

洪氏集驗方

洪氏集驗方卷第四

治舌衄

二方出方氏泊宅編

槐花

右炒為末摻之昔有士人無故出血仍有小穴醫者不曉何疾偶曰此名舌衄用此而愈

治舌腫

蒲黃

右為末摻之須真者佳一士人汧汭東

歸夜泊村步其妻熟寐撼之問何事不
荅又撼之妻驚起視之舌腫滿口不能
出聲急訪醫得一叟負囊而至用藥搽
比曉復舊問之乃蒲黃也

治湯火瘡

大黃

右搗碎調以美醋傳瘡上夷堅志云金
山修供神怒庖人不謹漬其手鑊中痛
楚徹骨號呼欲死神授此方遂愈

茯苓圓暖水臟明目

京師老李畫傳尋常眼藥多涼非水藏之便

茯苓

二兩酒浸一宿焙乾

巴戟

枸杞子

菊花

川練子

右為末煉蜜為圓如桐子大每服三十

粒溫酒或鹽湯下空心食前臨卧

治乾癰

已下八方景盧傳

樟腦

一錢

白礬

半錢生用

雄黃

半錢

並細研以生薑自然汁醱醋各少許磨
羊蹄菜根如手指大二寸許調藥擦傳
止有食頃痛極不過三次見効

治淋

皂角刺

燒存性

破故紙

等分

爲細末紅酒或無灰酒調下

治沙石淋

定磁末羅細以生地黃槌碎同煎如熟
水時時飲之

治毒虵傷 屢試如方

香白芷為末 交門冬水調飲 倉卒時新
汲水亦可

治冷積降氣寬膈逐痰

橘皮去穰取紅一斤 甘草鹽各四兩水

五碗慢火煮乾焙搗為末點服

補益治漏秘精圓

大附子

炮裂去
皮臍

龍骨

煨通
赤

牛膝

酒浸一
宿焙

肉蓯蓉

酒浸一
宿焙

巴戟 去心

兔絲子

酒浸
三宿

右等分爲末煉蜜圓梧桐子大空心溫酒或鹽湯下三五十粒甚者日午再服小便如米泔者不過十服

治傷折骨碎

此方用
之甚驗

大鰾膠一味碎剉用無灰酒煮爛如粥逐旋抄喫極苦硬須強進之以多爲度每二兩或四兩爲一服傷甚者不過半斤治疝氣偏墜

牡礪

火煨

良薑

右二味爲末用津唾調塗之立消

烏金散專治痔疾神驗

已下五方韓州王康孺翰林傳

黃牛角腮

烏金子

五倍子

紫河車

威靈仙

枳殼

右等分入甕瓶內用白雄鷄糞和黃泥固濟上留一竅子炭火煨煙盡爲度取出地上出火氣爲細末每服三錢空心

酒調下

倍苓圓治腸風下血

槐花

六兩

五倍子

三兩

五靈脂

三兩

右件為細末麵糊為圓如梧桐子大每服三十圓米飲下

治風毒氣眼連眵赤爛洗眼神妙

白沙蜜

二兩

乳香

通明者一皂子
大溫水浴過

好黃丹

抄半錢

右一處於砂石器內或銀器內用慢火熬令焦黑色滴在水中不化為度每用兩黑豆大沸湯浸洗眼藥成露一宿方好治腰痛

五加皮

右不拘多少為細末如梧桐子大酒煮麵糊為圓每服三十圓空心溫酒下秋石丹治男子婦人虛勞瘦

秋石

一兩

乾山藥

一兩

膽丸散

右為末別以酒調山藥為糊如梧桐子

大又以乾山藥為衣每服二十圓

溫酒米飲任下

治諸癰

道人黃大成傳
屢用之如方

鴨舌膽礬

煨存性

右為細末每發時用一字以筆管吹入
鼻內涎出即愈

治豆瘡倒撮入肉

景盧傳

人齒一箇

不以
久近

燒成灰用獾猪尾血調

和了入酒小盞同服之竇永仲教授年

六歲時生瘡為鄰近焚化所觸盡擻入

肉諸醫束手母已發聲哭親戚劉知縣

說此方才飲酒了元瘡隨手如故

予見沈存中良

方亦載此用人齒三五枚炙黃為末乳香湯調下溫酒亦得

治喉閉

陳子範教授傳

皂角

半銚

右搗為末用醋一椀就鍋內煎數沸以帛濾滓令病人服之

又方

高逢原制幹傳

麻油

少許
生油

右以筋絞油生沫即以油沫飲之

治腰痛

已下二方孫
仲益尚書傳

芸臺子

右用米醋研塗傳疼處

治筋風

橡斗子

右以乾大棗置橡斗子中以麪裹火炮
碎爲末用陳米飲作一服

瘡藥方

饒州十七里
李家傳甚妙

叢竹殼

野油麻葉

陳屋茅

百合花 乾者

猫兒骨

已燒灰入輕粉和麻油調塗

治癰

羊蹄根

切作片

右至五更初先以布揩癰上即取羊蹄根爛嚼止用汁塗後以其片揩之將冷

水嗽口及洗手初用藥時忌不得語欲
氣勿洩也

接骨方

牡蠣

少許

右爲末用糯米粥調之塗其上却以沙
木板夾之即愈

治漏瘡

高逢辰
制幹傳

麝香

臘茶

右等分爲末乾傳

治外風入瘡口腫毒方

全蝎

一箇

白殭蚕

三箇
去絲

蟬蛻

三箇

右爲細末裂葱汁調塗即愈

癰藥

白礬

飛過
兩

黃丹

半錢

白藥子

半兩

右爲細末旋掘羊蹄根獨脚者

一根
者是取

自然汁調藥苑用布擦癰微破用藥

傳之

治喉閉

郭廷圭
知縣傳

白礬

一斤
好者

好酒

一斗
無灰

右同熬以酒盡為度入合子臨時用之
治盜汗

防風

細切

右為細末浮麥煎湯服之婺州汪伯敏
將仕云嘗見周仲恭尚書言舊有盜汗
之疾每至大屋則肢體凜然須以幃幕

遮護後得此方遂愈

治傷風

五積散敗毒散

右以五藥合煎服之蓋五積性溫敗毒
稍涼服之無不効者

治脚腫

四物湯小續命湯

右以二藥同煎章謚靜之節推云嘗有
人卒患脚腫服此遂愈

甘豆湯治脚腫

黑豆

甘草

右同煎湯服之郭鎮廷圭知縣云昔年太學士人圍閉中多患脚腫至腹則死前後如此者非一人後有施此方服之皆愈蓋神方也

灸瘳法

以肚臍相對取背脊骨灸之甚妙

治頭風頭痛

人中白

焰消

各一兩

右用水一椀無灰皮紙濾下研細重湯
煮過再研入少腦子每用少許以斡耳
子搐入鼻中即愈襄陽府胡急脚專貨
此藥積錢至數萬緡祕惜不傳上官醫
以計得之

茶牙湯滯偏正頭疼惡心嘔吐不止者

細藥牙

一兩

生草烏

半兩去
皮尖

細辛

半兩

右爲麤末每五錢水二盞慢火煎至六分去滓溫服一服取効

治丈夫婦人腰痛重腿步武艱辛痛不可

忍附牛圖

上官駐泊傳

附子

半兩炮
去皮臍

黑牽牛

瓦上炒
令乾

右爲細末酒煮麪爲圓如梧桐子大每三十圓空溫酒下如半邊腰疼只用黑牽牛瓦上焙乾一邊附子炮一邊餘一邊生用不去皮搗羅爲末如前法服

治爛緣風眼

覆盆子

右取葉掇碎以汁滴眼中即有虫出上官醫云頃歲寓居潭州瀏陽縣石霜寺有皇叔太尉者乳媪患爛緣風眼近二十年一日有藥媪過之曰老婆能治此眼眼中有虫赤而長其細如絲遂入山取藥其家遣人尾其後但見汭山路採取樹葉以手掇碎入口咀嚼留其汁以

皂紗蒙患人眼握筆畫雙眼於紗上然後用藥汁滴於眼之下緣須臾虫自紗中出其數十七其家甚喜嫗去數日復至則眼下緣肉乾如常人再用前法治眼上緣得虫又以十數嫗謂上官曰公為醫官不可不傳此方須以錢二萬償我上官諾之遍召傍近村婦患此眼者治之無不差嫗又曰是方出本草葉部中覆盆子注云葉接絞取汁滴目中去

膚赤有虫出如絲線上官屢用之皆効

治黥瘡

上官賢傳

鱖魚

右以鱖魚數條打死先用油塗其腹實
患人腿上盤令周遍以帕子繫定食頃
患人覺痛不可忍然後取鱖魚腹上有
針眼大竅子皆虫也虫既去盡却用死
人脰骨燒灰塗瘡口即愈

浴存中良方亦載活鱖治漏瘡

治癰疥

宣連

去鬚酒
浸一宿

右焙乾爲末蜜圓如梧桐子大空心日
午臨臥酒吞二十粒東坡云惠州軍校
姚歡年八十餘鬚髮不白自言年六十
歲患癬疥周匝頂踵或教服黃連遂愈
久服故髮不白

治腳氣灸法

右灸風市兩穴以多爲貴蔡元長爲關
封少尹一日據案忽覺虫自足心行至

腰間落筆輦倒久之方甦掾曹曰此疾
非俞山人不可療使呼之俞曰真脚氣
也灸風市五艾而去明日又覺虫自足
至風市便止又明日疾如初召俞俞曰
是疾非千艾不可一艾力盡故疾復作
蔡如其言灸數百自此遂愈

沈公雅檢正說
予紹興辛巳歲

在吳門虛郡宅以備 巡幸徙治吳縣縣卑溼始得
足痺之疾以風市為至煎膏隔曲池三里灸之即愈

治毒蛇咬毒氣已入腹青黯腫脹痛不能

忍

太平州湯三
益翰林傳

生白礬末須看所咬瘡口大小然後抄礬末於刀頭上鎔令沸乘沸滴在瘡口上隨手痛止若腹中毒氣未退依前點腫即取草決明葉兩握研取自然汁以熱酒侵下却將滓貼瘡口上軟帛輕手繫之

治鼻衄不可止欲絕者

右茅花無即以根代每服一大把剉水兩碗煎濃汁一碗分二服沈存中云林

次中御史在楚州嘗訪一故人久之不出或問之云子婦衄血垂盡方救視未及延客坐中一客云適有藥急令掇茅花一大把煎濃汁一碗帶囊中取小紅圓二粒令茅花湯吞下一服即差而不言其方後有人聞之曰此止是茅花之功耳試復問之其人大笑曰誠如此紅圓乃含香硃砂圓恐不信茅花之功以此爲記耳存中在鄜延時一將官卒病

衄甚困以此療之即差又徐德占教衄者急灸項後髮際兩筋間宛宛中三壯立寢蓋血自此入腦注鼻中常人以線勒頸後尚可止衄此灸決効無疑

治諸鰓

以木炭皮爲細末研令極細如無炭皮堅炭亦可粥飲調下二錢日四五服以鰓下爲度此法人家皆有沈存中云在漢東乃目覩其神有劉晦士人隣家一

兒誤吞一錢以此飲之下一物如大烏
梅剖之乃炭裏一錢也池州徐使君極
寶此方數數用之未有不効者近歲累
有人言得此方之効不復悉載

治盜汗

當歸

半兩去
蘆細切

人參

半兩

猪心

一箇作
者細切

右以猪心分四片用一壺水三盞煎一

盞半作二服

一方當歸人參各一兩雄猪心半
箇細切五盞水煎三盞去滓兩服

龍璣散治中暑迷悶不省人事暑月代一

切暑藥

子暑月常合此藥以飲從者

甘草

一兩炙

烏梅

一兩去仁瓦上焙乾

白礬

半兩生研

五倍子

一兩揀

右為細末入白麵四兩同和勻每服一

大錢新水調下如泄瀉霍亂作渴一服

即愈雖平日不敢飲冷者以冷水服藥

不妨

世傳仁廟所賜近臣方

治風牙疼

華陰細辛

多年石灰

右二味等分爲末每用少許揩牙漚去
涎溫水灌漱立止

治蛀牙疼

巴豆不以多少去殼麪裹煨熟去麪粟
米餅同巴豆研爲圓如蘿蔔子大每用
一二粒綿裹安於蛀孔內仍睡少時覺
不疼去之

治風牙蛀牙一切疼痛

每用藥止用一米
大仍以連帛貼之

巴豆

一大箇
去大皮

豆豉

七箇

大蒜頭

一箇去積
并去薄皮

右作一處研極爛圓作一團用油紙裹
每遇牙疼至臥時先以溫水漱口次以
針微剔所痛之處以藥實之明日復以
水漱灌即愈

治五種牙疼不蛀破處者

細辛

乾薑

川烏

草烏

華撥

吳茱萸

各半兩

茵華

一兩

木律

一分

右爲細末先用鹽湯蘸濕手點藥揩牙候良久藥力敗用溫水灌漱齒痛即止治風蛀牙如虫蛀破者

乳香

一錢

巴豆

三粒紙裹
壓去油

右火上鎔乳香成汁用巴豆不住攪和候冷取出圓成膏子酌量牙齒竅穴大小將燈上炙旋圓納於穴中痛即止

治牙搖牙宣

楊致遠知院傳

藁草根

一名香附草

右去皮細切用生薑汁浸一夕次日曝乾照為末用之

治暴嗽不止或失聲者

饒州上官醫傳

款冬花

去枝杖細剉焙乾為細末

右用生蜜搜和作餅子貯火香爐中如

裝香然安藥在火上令病人開口哈烟

米飲吞下臨臥時

予頃年患紹興趙菊宗云先以款冬花在香爐中燒煙却

用少許單單之止露一竅承之以口凡三兩次嗽即止

治惡瘡久不較諸藥無効

白鱔魚頭 乾者

若燒為細末用輕粉調塗

治冷漏行在鄭春
天夫傳

蟻娘虫 化蟬者

右用三兩枚於瓦上炒成灰乾摻瘡口

治喉閉

南鵬砂 一錢

青黛 一錢

甘草 半錢

白僵蚕 二錢

右為細末用腦子少許研和乾摻喉間即愈

治咽喉腫痛

白礬 飛過

甘草 炙 各半兩

右為細末乾摻喉中徐徐吞下

治凍死

北方尤遇傷風感寒之人亦用此法衮令汗出乃愈

舊薦

右用薦束凍死者其中衮轉不絕手自

然和氣相續即愈

治暍死

泥漿

右於行路中旋以刀器掘開一穴入水其中擣之却取爛漿以飲死者即愈

治溺死

予在鄱陽嘗有溺水者身僵氣絕用此法治之即甦

乾壁泥

右先打壁泥一堵置之地土却以死者仰臥其上更以壁土覆之止露口眼自

然水氣翕入泥中其人遂甦

治火燒湯潑

醋

右以酸者用手擦地上泥塗之

治湯火瘡

釜鑊下黑塵

右以水爛研入蜜及油調傅立愈

治嵌甲

青蠅

四十九枚

麝香

百文

右取蠅折去兩翼不用以其餘熬乾入
麝爲末或急用則取蠅置懷中候乾搽
之或瘡乾即入油調傳又一方用蝸牛一枚橄
攪核一枚燒存性同爲
末入膩粉黃丹油調
傳然不若此方爲妙

治小腸氣

舶上茴香 一斤

右用生薑四兩研碎併滓汁拌和茴香
過一宿熬焙乾爲細末次用青鹽二兩
別碾入藥酒糊爲圓如梧桐子大每服

三五十圓鹽湯或溫酒下空心食前郭
廷圭知縣云舊苦此疾歲不下五七發
服藥一料病根遂除今已十五六年不作

洪氏集驗卷第四

洪氏集驗方卷第五

婦人小兒

治婦人產後百病烏金散

饒州彭氏傳有歌
十八篇文多不載

煑

煑時切忌婦人雞犬見如見服之無効切須忌
之用一壺依此寫訖定四兩各立坯子作一團

土水坎

子其頭頤鯉魚皮各用一藏瓶去底入藥盛訖
却用瓦子蓋用好紙筋鹽泥固濟棄濕放在土

煑

字上用木炭火五斤燒通
赤取藏瓶放冷打開出藥

血餘

半兩依前
法燒之

鯉魚皮

一兩依前
法燒之

沒藥

半兩

紅花

一分
生用

伏龍肝

一分竈下取
燒赤者土是

凌霄花

半兩色鮮
者焙使

好香墨

半兩
生用

乾栢木

一分細研
香好者可使

當歸

半兩去梢土微炒令香用之

右件九味並細爲末產後母子熱疾後
胎死在腹難產生衣不下血暈起坐不
得如見異花口乾心悶乍寒乍熱四肢
浮腫言語顛狂見神見鬼不語瀉痢腰
膝疼痛小腸尿血澁痛崩中嘔逆不安
咳嗽涕唾喉中如猫作聲面色遍身黑
赤點母生眼澁腰痠身發筋急應是一
切產後諸疾皆治以酒一盞煎取八分

調藥兩錢空心頻服之用無灰酒大妙
催生如聖散

黃蜀葵花

右一味焙乾爲細末每服二錢熟湯放
溫調下神妙或有漏血胎臍乾澁難產
痛劇者併進三服良久腹中氣寬胎滑
即時產下如無花只用黃蜀葵子爛研
小半盞以酒調濾去滓溫飲尤佳

人甚

驗

予家常
合以酒

萬靈圓治婦人月水湛濁不通久無嗣息
血癖氣痛四肢浮腫嘔逆心疼虛煩勞悶
面色痿黃崩漏帶下寒熱蒸勞頭疼齒痛
血下無度淋瀝諸疾產前安胎臨產催生
產後胎結痛傷寒煩渴瀉痢血勞血運筋
攣痰盛頭疼敗血上衝血刺泄瀉咳嗽喘
急嗽血血塊起伏氣痞氣膈血作腰痛小
便不禁子死腹中失蓋汗不出血風脚手
痺頑凡產後諸疾皆治

牡丹皮 洗

川芎 洗

川當歸

切開裏面赤
黑色者佳洗

白茯苓 去皮

赤石脂

別研

香白芷

官桂

去皮不
見火

白薇 洗

京芎

洗

懸胡索

去皮

白芍藥

白朮

米泔浸一宿
已上各一兩

甘草

炙

沉香

不見
火

沒藥

別研
已上各半兩

右件藥并皆用溫水洗淨杵羅為末煉

蜜圓彈子大每服一粒或半粒空心溫酒化下凡妊娠臨月服此五六粒產時無痛如久無子服二十粒當月有子并治積年血風半身不遂種種血疾不問年深皆可療神効不可具述

烏金散治血崩漏下最治產後血崩并小產血崩漏下

櫻櫚皮

烏梅

乾薑

燒灰存性
三味各等分

右研細每服二大錢煎烏梅湯調溫服
不以時

救生散治急喉閉產前產後有此疾皆可
服之

白殭蚕

半兩去絲
剉略炒

甘草

生一
錢重

右二味各取末秤和勻每服一錢匕以
生薑汁調藥令稠灌下便急以溫茶清
衝下

治妊娘忽然下血腰痛不可忍

鹿角

剉一兩

當歸

剉一兩

右二味作一服以水二盞煎至一盞去滓溫服食前

治婦人產後因驚或怒傷肝或憂氣逆中
眩或坐草風入子藏遂成顛狂或成中風
不語角弓痙張狂走歌唱不常

荊芥穗

原上焙乾

右為細末每服二大錢熱米飲調下酒
亦得用之如神

催生藥

香白芷

百草霜

右等分爲末用童子小便却入酒醋少許沸湯調下甚有神驗

滑胎易產神効八味散

一名如意散已下四方
太平州郭師顯駐泊傳

甘草

二兩炙

黃芩

大豆黃卷

乾薑

吳茱萸

麻子仁

太麥蘖

炒

以上各四兩

桂心

三分

右爲末酒服方寸匕湯飲亦得空心食
前須入月方得服過三十日動作宜謹
勿上廁恐不覺墮地如此之易也

治產後虛眩不能支持兩脇當臍急痛氣
上衝前後相引痛治之如神羊肉湯

精羊肉

切四兩

當歸

切半兩

川芎

剉半兩

生薑

切一兩

右以水十盞煎至三盞掠上沫去滓分
四服空心熱服一日服盡來日再合兩

日滓併一日煎之當一劑服

產後防暈方

舊漆器

右不以多少烈火燒煙薰鼻中即醒
治產後大便不通

緣亡血過多腸間乾燥甚至旬日已上
腹脹急痛悶冒氣喘神昏力弱欲攻之
則必致危殆不攻則無緣得利郭醫云
嘗用古方蜜導法即時得下且無所損

真活人之法其方雖見仲景傷寒論而產家不載最為緊要

順經散治小兒十餘歲因驚之後心氣不行小府淋瀝日及三十餘次漸覺黃瘦宜

服此劑主之高逢辰制幹傳

韭子湯浸退取白仁乾秤一兩益智子取仁鹽炒過半兩

琥珀半兩令研石葦去毛土一錢

白茯苓三分狗脊燼去毛淨半兩

石鷲子火燉醋炒出火毒令研極細半兩

右七味爲末和勻每服一錢用韭菜白
煎湯調下空心食前各一服日午一服
尤妙予叢雉十餘歲時嘗遊慧山歸已
昏暮遇一巨人醉卧寺門驚悸得疾自
是之後一日便溺五六十度醫治數月
不能効遂以病證扣高逢辰即援筆授
此方服藥未幾日減一日初則三二十
度最後十數度凡服兩料而愈

九寶飲治小兒困傷寒邪不曾解利致成

遠年嗽兼海上喘氣嗽不得睡

常州頓助教傳

紫蘇葉 一兩

婆苛葉

一兩

麻黃

一兩去節

大復皮

一兩

肉桂

半兩

甘草

半兩炙

杏仁

半兩麩炒

桑白皮

半兩

陳橘皮

半兩去穰者

右件爲鹿末令將杏仁研極細將諸藥

同和勻每服半錢半盞烏梅半枚生

薑一片同煎三分半食後去滓溫服臨

睡亦得忌酒腥之物

治小兒泄瀉

金液丹青州白圓子

右以二藥等分細研用麪糊圓如黍米
大每服五十圓米飲下臨安節推章謚
靜之云渠有小兒自五月患臟腑至七
月不止遂作慢驚候以此藥投一服徐
用少粥壓之即愈再服六七服遂無事

錢氏小兒

方亦載此

肥兒圓

外舅朱臨江傳

川黃連

蕪荑仁

神麴

炒

大麥蘖

炒

右四味等分爲細末用獺猪膽爲圓如小菴豆大每服三十圓加至五十圓食

後熟水吞下

此方乃李文定丞相家方海鹽祝宰爲常寧時女子失姪極黃瘦丞相孫維翰

來訪爲傳此方自云其家得此藥小方脉未嘗登門女子自服此藥十日間取下疳虫僅萬餘自此日益頑壯須小兒可服藥即與之孟正云秦相家盡服此藥但加蘿蔔子一味

神麴豆蔻圓治小兒疳氣羸弱臟腑虛怯

及滑泄不止飲食減少腹脹寒熱面黃肌瘦引飲無度

劉大用家傳神効

神麴

半兩炒

肉豆蔻

三枚麴裹煨

麥蘖

半兩炒

宣連

半兩去麴

史君子

十四枚去殼

無萸仁

一分

蘆薈

一分合研

右為細末用猪膽汁浸麴作糊為圓如

黍米大每服二十圓飯飲吞下空心服

木香分氣圓治小兒脾胃虛弱飲食過傷

積滯內停或多吐逆胃膈不快面黃腹急

下利無度

香附子

水浸一宿搗去黑皮令淨飯上蒸過一伏焙乾秤二兩

南木香

一錢麩裹煨

縮砂

一分去殼

甘草

半兩炙

京三稜

半兩濕紙裹煨藥熟切焙

薑黃

半兩米泔水浸一宿切焙

右為末用白麵糊為圓如黍米大每服

二十圓飯飲吞下溫熱水亦得食後服

助胃膏助小兒胃氣思食止渴常服甚妙

饒州張乘
助教傳

人參

白朮

甘草

茴香

各半

乾山藥

一兩

檀香

一錢

烏梅肉

半兩

白豆蔻仁

半兩

縮砂仁

半兩

乾木瓜

一兩

右為細末煉蜜為膏空心知皂子大每

服一圓嚼服或溫水吞下

治小兒麻豆瘡子已出太盛發潰膿水黏

衣著席不能轉動疼痛濕爛傳之便乾更不成癰痕方

右用牛糞不以多少曬乾火煅成灰取心中白者研令極細如用蛤粉相似用綿撲撲有瘡處不以時候一方用烏牛糞一方用黃牛糞

出幼幼新書一名白龍散此方用之有驗

辰砂安驚圓理風熱涎盛身體拘急睡中

不穩鎮心

已下三方張采助教傳

天麻

一分

川芎

二錢

防風

半兩洗
去蘆頭

甘草

一兩
炙

白附子

一分

人參

半兩洗

茯苓

半兩

朱砂

二錢一
半入藥
一半為衣

右細末煉蜜為圓如鷄頭大每一圓至

兩圓用蘼芎荈煎湯化下

羌活膏散風熱化痰安驚

羌活

半兩

荊芥穗

半兩

白朮

二錢

甘草

半兩

白附子

二錢

桔梗

去蘆頭
洗半兩

白茯苓 二錢

川芎 二錢

防風

二錢去
蘆頭

朱砂

二錢一半入
藥一半為衣

右細末煉蜜為圓如皂皂子大每服一
圓至兩圓用婆苛湯化下如涎盛加臈
茶湯下

大天南星圓治小兒急慢驚風涎潮發搐
目睛上視口眼相引牙關緊急背脊強直
精神昏塞連日不省

滴乳香 研

龍腦 研

牛黃

研各半錢

朱砂

研三錢

麝香

研一錢半

天麻

人參

防風

各一分去蘆頭

天南星

黃牛膽汁製半兩

乾蝎

十四箇湯浸乾去腹內土微炒

右細末煉蜜爲圓如大鷄頭大每服一圓荆芥薄荷湯化下

治祿中小兒臍風撮口法

右視小兒上下斷斷當口中心處若有白色如紅豆大此病發之候也急以指

爪正當中掐之自外達內掐令匝微血
出亦不妨又於白處兩盡頭亦依此掐
余內外斷

只掐令氣脉斷不必破肉
指爪勿令大鉗恐傷兒甚

沈存中云

爲河北察訪使日到趙郡有老人來獻
此法云篤老惜此法將不傳願以濟人
詢之趙人云此翁生平手救千餘兒矣
環數邑之人皆就此翁治兒應手而愈
沒石子圓治小兒吐瀉臟腑不禁

上官
醫傳

黃連

鷹爪
者沙

訶子

炮去
核

肉豆蔻

炮 麩果

木香

炮

沒石子

炮

右各料一錢為細末粟米飯為圓如葉
豆大米飲三十圓

誤吞珠銅鐵而哽者方

燒弩銅牙令赤內酒中飲之立愈

誤吞錢方

擣火炭末服方寸匕則出

誤吞釘及箭金針鐵等物方

多食肥羊肉脂及諸肥肉自裹出

封額

天南星

一箇極大者

右以慢火炮裂去皮臍入華陰細辛三錢同杵為末入麝香少許用米醋調塗緋帛貼在額上以乾為度

治小兒

吐 宗人子與寺丞傳

赤麴

半兩

藿香葉

半兩

丁香

一分不見火如熱吐即減丁香之半

肉豆蔻

一箇麵裹炮

右爲細末每服一錢大段小者半錢煎
香楠木湯調下楠木定驚止吐神妙不
可言

治小兒誤食穀芒

鵝唼

右將鵝倒漚唼盛半蛤蚧令小兒飲之
穀芒即下

消風散治小兒一切口瘡并重舌鵝口

已下五方信州
蔡敏翁勸學傳

鵬砂 一錢

朱砂 一字

雄黃 一錢

甘草末 一字

腦子 一字

右研細和勻少許傳之吞嚥不妨

屢用如方

雄朱散治小兒顙額裏外腫核

石膏 二錢

雄黃 二錢

牙消 一錢

天竺黃 二錢

甘草末 一錢

腦子 半字

右研細和勻傳之裏核喫不妨外核用

婆苛汁調塗繳口新水調亦得

金華散治小兒一切瘡瘍

黃皮

去麤皮半兩多焦

黃連

半兩

海漂消

三錢

五倍子

三錢

輕粉

一分研入

右爲細末和勻瘡乾用油調傳濕時乾

傳

如聖散治小兒一切頭瘡

松脂

半兩研細

輕粉

半兩

右件和勻油調傳之

急風散治小兒喉閉咽痛

青膽礬

成片
好者

每用少許研細新水調少許嚥之吐痰
為妙大人亦治

墜涎圓治咳嗽化痰

已下二方張永助
教傳皆補神驗

天南星

去皮臍生
用半兩

白附子

瀝去皮
半兩

川烏尖

去皮臍生
用一分

白殭蚕

洗淨直
者一分

白礬

枯一
分

半夏

洗淨生
用一兩

右為細末用薑汁糊為圓如小菜豆大
每服二十圓用生薑蔞苳泡湯吞下
辰砂圓治咳嗽安驚化痰

辰砂

辰砂一兩研一半為末一半入藥

白礬

枯半兩

天南星

去皮臍切片子并用水煮焙乾一兩

大半夏

湯浸七次用生薑自然汁作餅子炙一兩半

白附子

去皮炮半兩

右為細末用糯米粉煮糊為圓如小菜
豆大每服二十圓用蔞茶蔞苳湯吞下

西君子圓始脾虛受食不尅化停積中脘
吐逆惡心臟腑泄瀉常服消化食滯進美
飲食厚腸胃充肌體悅顏色退黃養州蔣助
教傳
已下三藥子
家常合甚効

縮砂仁

烏梅肉

焙乾
秤

陳橘皮

去穰
取仁

呵子

紙裹煨去
核取皮用

右各一兩為末煮好大棗取肉為圓如
麻子大每服三十圓至五十圓棗湯熟
水任下無時

肥兒圓

已下三方張采助教傳

比前方肥兒丸多芩薈一味比次方神麴豆冠丸少而芩薈使君子二味大抵皆好

黃連

炒

蕪荑仁

炒

神麴

炒

麥蘗子

炒

蘆薈

細研已上各等分

右為細末獺猪膽汁調麵糊為圓小葉

豆大每服十五圓至二十圓飮飲吞下

觀音散理脾胃不和氣弱昏倦多困不思

食

白朮

一分

人參

一分

甘草 一分

乾葛 一分

藿香葉 一分

白扁豆 炒 三錢

茯苓 三錢

櫻粟子 炒 三錢

綿黃耆 一分

木香 一分

右為細末每服二錢用生薑棗子紫蘇煎湯調下不計時日進三服

洪氏集驗方卷第五

右集驗方五卷皆予平生用之有著驗
或雖未及用而傳聞之審者刻之姑孰
與衆共之乾道庚寅十二月十日番陽
洪遵書

賢人留惠濟斯民學律之
未捨勤猶訪醫石治疾
因富貴陸心身廼知後
遠想見當年德業新
貧仍懶墮不能望見
洪公當宋盛時為侍從
宰相其富貴為何如也
而聖人不
忘救民之可也

原缺

余素不諳醫而喜蓄醫圖書非真好醫圖書也好醫書
之為宋元舊刻者今茲六月中有揚州書友來告余
云有宋板太醫集業四冊欲售余屬其携來久而
未至聞已售于他姓亦不甚惜之因向來各家書目
未載即舊藏書家亦俱不知或是書未必真宋板
後閱陸其清佳趣堂書目載是書云文淵閣藏本
有楊南峯鄒臣虎二跋方悔前此不之買而已弗
可追矣適余友陶琅軒從都中寄此宋板洪氏集
驗方二本至乃欣然以為聊慰我欲蓋此宋板醫
書亦所罕有見有季氏圖書隨檢_送今宋板書
目知即係是書卷後八行墨跡季氏云鮮于樞詩
跋諒必有本而云然百世行之已下定有脫文想滄
葦收藏時必未遺失故知之詳也至于板刻年月載
之甚詳宋刻固無疑義而余舊藏傷寒要旨与此同

出一手黃憲毛用刻工姓名可攷而證刊刻之地同是姑
孰刊刻之時同是乾道唯辛卯差後庚寅一年尔二書
之分不知幾時二書之合又在一地豈非奇之又奇耶餘
言詳彼書跋語中茲得特誌得書之由并誌余所
以考證是書者如此 甲子十一月 堯翁黃丕烈識

頃在揚州郡齋借到太醫集業尋覽之
餘見板口有三因字遂取三因板一二病證方論
互勘知即割裂其殘本為之耳太醫集業
者第一卷一條並不別有此書也佳趣書目
所云誤歸曜堯翁出示是跋誤舉以證之病記
於後他年倘仍收得必相一笑

嘉慶乙丑八月
桐城顧廣文書